

## УЧИНЧИ БЎЛИМ

### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

# 361 Ҳаж мавсумида янги А(Н<sub>1</sub>Н<sub>1</sub>) гриппининг республика ҳудудига кириб келиши ва тарқалишининг олдини олишга қаратилган чора-тадбирлар тўғрисида

Жаҳон соғлиқни сақлаш ташкилоти тарқатаётган маълумотларга кўра, янги А(Н<sub>1</sub>Н<sub>1</sub>) гриппи Шимолий ва Жанубий Америка, Европа, Австралия ҳамда Осиёдаги 150 дан ортиқ мамлакатларда қайд этилган. Мазкур касалликка чалинган беморлар сони қарийб 200 минг нафарга яқинлашиб, улар орасида ўлим ҳолатлари қайд этилмоқда.

Янги грипп бўйича вужудга келган вазият Жаҳон соғлиқни сақлаш ташкилоти томонидан пандемия, деб эълон қилинди.

Жаҳонда эпидемик вазиятнинг мураккаблашганлиги, янги А(Н<sub>1</sub>Н<sub>1</sub>) гриппининг четдан республикамизга кириб келиши хавфи мавжудлигини, хусусан, Саудия Арабистонида 595 нафар кишида мазкур вирус аниқланганлигини инобатга олган ҳолда Ўзбекистон Республикаси аҳолиси, Ҳаж мавсумида зиёратчилар соғлиғини муҳофаза қилиш ҳамда мазкур касаллик тарқалишининг олдини олиш мақсадида Вазирлар Маҳкамаси **қарор қилади:**

1. Ҳаж мавсумида янги А(Н<sub>1</sub>Н<sub>1</sub>) гриппининг республика ҳудудига кириб келиши ва тарқалишининг олдини олиш бўйича комиссия таркиби 1-иловага\*, тадбирлар режаси 2-иловага мувофиқ тасдиқлансин.

Қорақалпоғистон Республикаси Вазирлар Кенгаши раиси, вилоятлар ва Тошкент шаҳар ҳокимлари раислигида тегишли вазирликлар ҳамда идораларнинг таркибий бўлинмалари вакилларидан иборат таркибда ҳудудий комиссиялар тузилиши белгилаб қўйилсин.

2. Комиссияга:

тегишли вазирликлар ва идоралар билан биргаликда турли юқумли касалликлар, хусусан янги А (Н<sub>1</sub>Н<sub>1</sub>) гриппининг четдан кириб келиши ва тарқалишининг олдини олиш бўйича ҳаж мавсумида амалга ошириладиган тадбирларни мувофиқлаштириш ҳамда уларнинг ўз вақтида, тўлақонли бажарилишини таъминлаш;

ҳаж мавсумида янги А (Н<sub>1</sub>Н<sub>1</sub>) гриппининг республика ҳудудига кириб келиши ва тарқалишининг олдини олишга қаратилган зарур чора-тадбирларни белгилаш вазифаси топширилсин.

3. Ўзбекистон Республикаси Соғлиқни сақлаш вазирлигига:

зиёратчиларни сафарга кетишдан олдин, Ҳаж мавсумида ва республика-

---

\* 1-илова берилмайди.

га келган вақтида тиббий кўриқдан ўтказиш, тиббий хизмат кўрсатиш, турли юқумли касалликлар, жумладан янги А (Н<sub>1</sub>Н<sub>1</sub>) гриппи касаллигига қарши зарур профилактик чораларни кўриш;

Ҳаж мавсумида янги А(Н<sub>1</sub>Н<sub>1</sub>) гриппининг республика ҳудудига кириб келиши ва тарқалишининг олдини олиш бўйича тегишли тарғибот-ташвиқот материалларини тайёрлаш ва мазкур йўналишдаги ишларни юқори савияда ташкил этиш вазифаси юклатилсин.

4. Ўзбекистон Республикаси Ташқи ишлар вазирлиги Саудия Арабистонидаги эпидемиологик вазият ҳақида тегишли вазирликлар ва идоралар билан ўзаро ахборот алмашинувини таъминлаш юзасидан зарур чора-тадбирларни ишлаб чиқсин ва амалга оширсин.

5. Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита Ўзбекистон мусулмонлар идораси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда Ҳаж мавсумида гуруҳ раҳбарлари ва зиёратчилар билан ўтказиладиган машғулотларда янги А(Н<sub>1</sub>Н<sub>1</sub>) гриппи вирусидан сақланиш бўйича тушунтириш ва тарғибот-ташвиқот ишларини амалга оширсин.

6. Ўзбекистон мусулмонлари идорасининг зиёратчилар учун зарур бўлган янги А(Н<sub>1</sub>Н<sub>1</sub>) гриппининг олдини олувчи дори-дармонлар, дезинфекцияловчи ва профилактик воситаларни харид қилишга сарфланадиган харажатларнинг идора томонидан қопланиши тўғрисидаги таклифи маъқуллансин.

7. «Ўзбекистон ҳаво йўллари» миллий авиакомпанияси зиёратчилар кузатиладиган ва кутиб олинадиган аэропортларнинг санитария-назорат пунктларида зарур шарт-шароитларни яратсин.

8. Ўзбекистон Миллий телерадиокомпанияси ва Ўзбекистон Миллий ахборот агентлигига юқумли касалликлар, жумладан янги А (Н<sub>1</sub>Н<sub>1</sub>) гриппининг четдан кириб келиши ҳамда тарқалишининг олдини олиш бўйича режа асосида мутахассисларнинг оммавий ахборот воситаларида мунтазам чиқишларини уюштириб бориши тавсия этилсин.

9. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р. Қосимов зиммасига юклансин.

**Ўзбекистон Республикасининг  
Бош вазири**

**Ш. МИРЗИЁЕВ**

Тошкент ш.,  
2009 йил 6 август,  
223-сон

Вазирлар Маҳкамасининг  
2009 йил 6 августдаги 223-сон қарорига  
2-ИЛОВА

**Ҳаж мавсумида янги А (Н<sub>1</sub>Н<sub>1</sub>) гриппининг республика ҳудудига  
кириб келиши ва тарқалишининг олдини олиш чора-тадбирлари  
РЕЖАСИ**

Т/р	Тадбирлар номи	Бажариш муддати	Бажаришга масъул вазирилклар ва идоралар
<b>I. Ташкилий-амалий ишлар</b>			
1.	Зиёратчилар орасида соғлом эпидемиологик ҳолатни таъминлаш учун зарур дори-дармонлар, дезинфекцияловчи ва профилактик воситалар рўйхатини тайёрлаш, Ўзбекистон мусулмонлари идорасига тақдим этиш	2009 август	Соғлиқни сақлаш вазирилиги, Қорақалпоғистон Республикаси, вилоятлар ва Тошкент шаҳри ҳокимликлари
2.	Янги А (Н <sub>1</sub> Н <sub>1</sub> ) гриппига қарши тегишли дори-дармонлар ва дезинфекцияловчи моддалар захирасини яратиш ишларини амалга ошириш	2009 йил сентябрь	Ўзбекистон мусулмонлари идораси, Соғлиқни сақлаш вазирилиги
3.	Зиёратчиларга тиббий хизмат кўрсатувчи шифокорлар гуруҳини ҳамда тегишли аэропортлардаги санитария назорати пунктларини етарли даражада электрон ёки симобли термометрлар билан таъминлаш	2009 йил сентябрь	Ўзбекистон мусулмонлари идораси, Соғлиқни сақлаш вазирилиги, «Ўзбекистон ҳаво йўллари» миллий авиакомпанияси
4.	Зиёратчиларни кузатиб борувчи тиббий ходимларнинг янги А (Н <sub>1</sub> Н <sub>1</sub> ) гриппининг профилактикаси, ташхиси ва даволаш усуллари бўйича билим ва малакасини оширишга қаратилган ўқув-семинарлар ташкил этиш	2009 йил октябрь	Соғлиқни сақлаш вазирилиги, Қорақалпоғистон Республикаси, вилоятлар ва Тошкент шаҳри ҳокимликлари
5.	Зиёратчиларда шахсий ҳимоя воситалари (респираторлар ва доканиқоблар) бўлиши ва улардан тўғри фойдаланишлари устидан қатъий назорат ўрнатиш	Ҳаж мавсуми давомида	Ўзбекистон мусулмонлари идораси, Соғлиқни сақлаш вазирилиги
6.	Зиёратчиларнинг саломатлиги тўғрисида маълумотлар олиш учун кузатиб борувчилар билан дипломатик корпуслар орқали кундалик тезкор алоқани йўлга қўйиш	Ҳаж мавсуми давомида	Дин ишлари бўйича қўмига, Соғлиқни сақлаш вазирилиги, Ташқи ишлар вазирилиги

Т/р	Тадбирлар номи	Бажариш мuddати	Бажаришга масъул вазириликлар ва идоралар
<b>II. Даволаш ва профилактика тадбирлари</b>			
7.	Жахон соғлиқни сақлаш ташкилотининг тавсиялари ва қабул қилувчи давлатнинг қонунчилигига мувофиқ Саудия Арабистонига боришга тиббий монезлиги бўлмаган зиёратчиларни дастлабки тиббий кўриклдан ўтказиш	2009 йил август ойидан бошлаб махсус ишлаб чиқилган жадалвал асосида	Ўзбекистон муулмонлари идораси, Соғлиқни сақлаш вазирилиги
8.	Зиёратчилар орасида иммунитетни заиф (сурункали касалликлар билан оғриган, қандли диабет, юрак, буйрак, жигар касалликлари ва ҳоказо) шахсларни аниқлаш ҳамда Жаҳ сафарни давомида уларни махсус назорага остига олиш	2009 йил Тиббий кўрик ва Жаҳ мавсуми давомида	Ўзбекистон муулмонлари идораси, Соғлиқни сақлаш вазирилиги, Қорақалпоғистон Республикаси, вилоятлар ва Тошкент шаҳри ҳокимликлари
9.	Жаҳ сафарига борувчилар ва уларни кузатиб борувчи шахсларнинг камида 50 фоизини даволашга етадиган гриппга қарши (Тамифлю ёки Реленза) дори воситалари захирасини яратиш	2009 йил сентябрь	Ўзбекистон муулмонлари идораси, Соғлиқни сақлаш вазирилиги, Қорақалпоғистон Республикаси, вилоятлар ва Тошкент шаҳри ҳокимликлари
10.	Барча Жаҳ сафарига борувчи зиёратчилар ва уларни кузатиб борувчиларни мавсумий гриппга қарши эмлашни таъминлаш	2009 йил сентябрь-октябрь	Ўзбекистон муулмонлари идораси, Соғлиқни сақлаш вазирилиги, Қорақалпоғистон Республикаси, вилоятлар ва Тошкент шаҳри ҳокимликлари
11.	Жаҳ мавсумида касалликка чалинганларга сифатли тиббий ёрдам кўрсатилишини таъминлашга кўмаклашиш	Жаҳ мавсуми давомида	Ўзбекистон муулмонлари идораси, Соғлиқни сақлаш вазирилиги, Тошқи ишлар вазирилиги
12.	Жаҳдан қайтаётган зиёратчилар орасида юқумли касалликка чалинишда шубҳа қилинган шахсларни жойлаштириш учун шифохона ўринларини ҳозирлаш	2009 йил ноябрь	Соғлиқни сақлаш вазирилиги, Қорақалпоғистон Республикаси, вилоятлар ва Тошкент шаҳри ҳокимликлари
13.	Жаҳ мавсумида Саудия Арабистониди Ўзбекистонлик фуқаролар жойлашган меҳмонхона ва палата шаҳарчасида эпидемиологик ҳолат буйича доимий назоратни йўлга қўйиш	Жаҳ мавсуми давомида	Соғлиқни сақлаш вазирилиги, Ўзбекистон муулмонлари идораси
14.	Зиёратчиларга тиббий хизмат кўрсатувчи шифокорлар гуруҳи томонидан зиёратчилар соғлигини кундалик тарзда кузатиб бориш ва улар орасида профилактик тадбирлар доимий тартибда амалга оширилишини ташиқил этиш	Жаҳ мавсуми давомида	Соғлиқни сақлаш вазирилиги, Ўзбекистон Республикаси, вилоятлар ва Қорақалпоғистон Республикаси, вилоятлар ва Тошкент шаҳри ҳокимликлари

Т/р	Тадбирлар номи	Бажариш муддати	Бажаришга масъул вазирликлар ва идоралар
15.	Саудия Арабистонидан қайтаётган зиёратчилар кутиб олинган аэропортларда уларни санитария назорати пунктида тиббий кўриқдан ўтказиш, термометрия ва зарур ҳолларда махсус лаборатория текширувларини ташкил этиш	2009 йил ноябрь-декабрь	Соғлиқни сақлаш вазирлиги, «Ўзбекистон ҳаво йўллари» миллий авиакомпанияси
<b>III. Тарғибот ва ташвиқот ишлари</b>			
16.	Тиббиёт ходимлари учун янги $A(H_1N_1)$ гриппи вируси билан касалланишнинг олдини олиш, даволаш юзасидан махсус йўриқнома ишлаб чиқиш	2009 йил август	Соғлиқни сақлаш вазирлиги, Қорақалпоғистон Республикаси, вилоятлар ва Тошкент шаҳри ҳокимликлари
17.	Ҳаж сафарига бораётган ҳар бир зиёратчини янги $A(H_1N_1)$ гриппи ҳақидаги маълумотлар ҳамда ундан ҳимояланиш борасида амал қилиниши зарур бўлган талаблар ақс этган эслагмалар билан таъминлаш	2009 йил август	Соғлиқни сақлаш вазирлиги
18.	Республика даволаш-профилактика муассасаларининг малакали мутахассисларини жалб этган ҳолда жойларда зиёратга борадиган фуқаролар билан тарғибот-ташвиқот ишларини ҳамда мавзуга оид семинар-тренинглар ташкил этиш	2009 йил сентябрь-октябрь	Соғлиқни сақлаш вазирлиги, Ўзбекистон муслмонлари идораси, Қорақалпоғистон Республикаси, вилоятлар ва Тошкент шаҳри ҳокимликлари
19.	Барча турдаги оммавий ахборот воситалари орқали янги $A(H_1N_1)$ гриппи, унинг клиник белгилари, диагностикаси, даволаш усуллари ҳамда муҳофазасига бағишланган тушунтириш ва тарғибот-ташвиқот ишларини ташкил этиш	Доний	Ўзбекистон Миллий телерадиокомпанияси, Ўзбекистон Миллий ахборот агентлиги